

十住毗婆沙論卷第四

規四

龍樹菩薩造
姚秦三藏法師鳩摩羅什譯

阿惟越致相品第八

問曰是諸菩薩有二種一惟越致二阿惟越
致應說其相是惟越致是阿惟越致答曰
等心於衆生不嫉他利養乃至失身命
不說法師過信樂深妙法不貪於恭敬
具足此五法是阿惟越致
等心衆生者衆生六道所攝於上中下心無

差別是名阿惟越致問曰如說於諸佛菩薩
應生第一敬心餘則不爾又言親近諸佛菩
薩恭敬供養餘亦不爾云何言於一切衆生
等心無二答曰說各有義不應疑難於衆生
等心者若有衆生視菩薩如怨賊有視如父
母有視如中人於此三種衆生中等心利益
欲度脫故無有差別是故汝不應致難不嫉
他利養者若他得衣服飲食卧具醫藥房舍
產業金銀珍寶封邑聚落國城男女等於此
施中不生嫉妒又不懷恨而心欣悅不說法

師過失若有人說應大乘空無相無作法若六波羅密若四功德處若菩薩十地等諸大乘法乃至失命因緣尚不出其過惡何況加

諸惡事信樂深妙法者深法者空無相無願及諸深經如般若波羅密菩薩藏等於此法一心信樂無所疑惑於餘事中無如是樂於深經中得滋味故不貪恭敬者通達諸法實相故於名譽毀辱利與不利等無有異具此五法者如上所說於阿耨多羅三藐三菩提不退轉不懈廢是名阿惟越致與此相違名

惟越致是惟越致菩薩有二種或敗壞者或漸漸轉進得阿惟越致問曰所說敗壞者其相云何答曰

若無有志幹 好樂下劣法 深著名利養
其心不端直 恤護於他家 不信樂空法
但貴諸言說慧口 是名敗壞相

無有志幹者顏貌無色威德淺薄問曰非以身相威德是阿惟越致相而作是說是何謂耶答曰斯言有謂不應致疑我說內有功德故身有威德不但說身色顏貌端正而已志

幹者所謂威德勢力若有人能修集善法除滅惡法於此事中有力名爲志幹雖復身若天王光如日月若不能修集善法除滅惡法者名爲無志幹也雖復身色醜陋形如餓鬼能修善除惡乃名有志幹耳是故汝難非也好樂下劣法者除佛乘已餘乘比於佛乘小劣不如故名爲下非以惡也其餘惡事亦名爲下二乘所得於佛爲下耳但出世間入無餘涅槃故不名爲惡是故若人遠離佛乘信樂二乘是爲樂下法是人雖樂上事以信樂

二乘遠離大乘故亦名樂下法復次下名惡事所謂五欲又斷常等六十二見一切外道論議一切增長生死是爲下法行此法故名爲樂下法深著名利者於布施財利供養稱讚事中深心繫念善爲方便不得清淨滋味故貪樂此四此事心不端直者其性詭曲喜行欺誑惱護他家者是人隨所入家見有餘人得利養恭敬讚歎即生嫉妒憂愁不悅心不清淨計我深故貪著利養生嫉妒心嫌恨檀越不信樂空法者諸佛三種說空法所謂三解

脫門於此空法不信不樂不以爲貴心不通達故但貴言說者但樂言辭不能如說修行但有口說不能信解諸法得其趣味是名敗壞相若人發菩提心有如是相者當知是敗壞菩薩敗壞名不調順譬如最弊惡馬名爲敗壞但有馬名無有馬用敗壞菩薩亦如是但有空名無有實行若人不欲作敗壞菩薩者當除惡法隨法受名問曰汝說在惟越致地中有二種菩薩一者敗壞菩薩二者漸漸精進後得阿惟越致敗壞菩薩已解說漸漸

精進後得阿惟越致者今可解說答曰菩薩不得我亦不得衆生不分別說法亦不得菩提不以相見佛以此五功德得名大菩薩成阿惟越致

菩薩行此五功德直至阿惟越致不得我者離我著故是菩薩於內外五陰十二入十八界中求我不可得作是念

若陰是我者我即生滅相云何當以受而即作受者若離陰有我陰外應可得云何當以受而異於受者若我有五陰

我即離五陰

如世間常言

牛異於牛主

異物共合故

此事名爲有

是故我有陰

我即異於陰

若陰中有我

如房中有人

如牀上聽者

我應異於陰

若我中有陰

如器中有果

如乳中有蠅

陰則異於我

如可然非然

不離可然然

然無有可然

然可然中無

我非陰離陰

我亦無有陰

五陰中無我

我中無五陰

如是染染者

煩惱煩惱者

一切瓶衣等

皆當如是知

若說我有定

及諸法異相

當知如是人

不得佛法味

菩薩如是思惟即離我見遠離我見故則不得我不得衆生者衆生名異於菩薩者離貪我見故作是念若他人實有我者彼可爲他因有我故以彼爲他而實求我不可得彼亦不可得故無彼亦無我是故菩薩亦不得彼不分別說法者是菩薩信解一切法不二故無差別故一相故作是念一切法皆從邪憶想分別生虛妄欺誑是菩薩滅諸分別無諸乘惱即入無上第一義因緣法不隨他慧

實性則非有
亦復非是無
非非有非無
亦非有文字
如是實義者
終不可得說
是皆寂滅相
若性寂滅者
爲欲說何事
爲以何言說
規四

是爲悉捨離
諸所有分別
如是一切法
皆是寂滅相
無灰衣不淨
灰亦還汙衣
非言不宣實
言說則有過

而與言者言
若諸法性空
是法不可說
隨以何法空
假言以說空
實義亦非空
亦非空不空
非非空不空
非虛亦不實
而實無所有
亦非無所有

菩薩如是觀信解通達於說法中無所分別
不得菩提者是菩薩信解空法故如凡夫所
得菩提不如是得作是念
佛不得菩提 非佛亦不得 諸果及餘法
皆亦復如是 有佛有菩提 佛得即爲常
無佛無菩提 不得即斷滅 離佛無菩提

離菩提無佛

若二異不成

云何有和合

凡諸一切法

以異故有合

菩提不異佛

是故二無合

佛及與菩提

異共俱不成

離二更無三

云何而得成

是故佛寂滅

菩提亦寂滅

是二寂滅故

一切皆寂滅

是念

一切若無相

一切即有相

寂滅是無相

即爲是有相

若觀無相法

無相即爲相

若言修無相

即非修無相

若捨諸貪著

名之爲無相

取是捨貪相

則爲無解脫

凡以有取故

因取而有捨

誰取取何事

名之以爲捨

取者所用取

及以可取法

共離俱不有

是皆名寂滅

若法相因成

是即爲無性

若無有性者

此即無有相

若法無有性

此即無相者

云何言無性

即爲是無相

若用有與無

是則無有過

雖言心不著

是則無有過

何處先有法

而後不滅者

亦遮亦應聽

何處先有然

同無相寂滅

而後有滅者

是故寂滅語

及寂滅語者 先亦非寂滅 亦非不寂滅
亦非寂不寂 非非寂不寂

是菩薩如是通達無相慧故無有疑悔不以色相見佛不以受想行識相見佛問曰云何不以色相見佛不以受想行識相見佛答曰非色是佛非受想行識是佛非離色有佛非離受想行識有佛非佛有色非佛有受想行識非色中有佛非受想行識中有佛非佛中有色非佛中有受想行識菩薩於此五種中不取相得至阿惟越致地問曰已知得此法

是阿惟越致阿惟越致有何相貌答曰般若已廣說 阿惟越致相

若菩薩觀凡夫地聲聞地辟支佛地佛地二不分別無有疑悔當知是阿惟越致阿惟越致有所言說皆有利益不觀他人長短好醜不希望外道沙門有所言說應知即知應見便見不禮事餘天不以華香幡蓋供養不宗事餘師不墮惡道不受女身常自修十善道亦教他令行常以善法示教利喜乃至夢中不捨十善道不行十不善道身口意業所

種善根皆爲安樂度脫衆生所得果報與衆生共若聞深法不生疑悔少於語言利安語和悅語柔軟語少於眠睡行來進止心不散亂威儀詳雅憶念堅固身無諸蟲衣服卧具淨潔無垢身心清淨閑靜少事心不誚曲不懷慳嫉不貴利養衣服飲食卧具醫藥資生之物於深法中無所諍競一心聽法常欲在前以此福德具足諸波羅密於世技術與衆殊絕觀一切法皆順法性乃至惡魔變現八大地獄化作菩薩而語之言汝若不捨菩提

心者當生此中見是怖畏而心不捨惡魔復言摩訶衍經非佛所說聞是語時心無有異常依法相不隨於他於生死苦惱而無驚畏聞有菩薩於阿僧祇劫修集善根而退轉者其心不沒又聞菩薩退爲阿羅漢得諸禪定說法度人心亦不退常能覺知一切魔事若聞薩婆若空大乘十地亦空可度衆生亦空諸法無所有亦如虛空若聞如是惑亂其心欲令退轉疲厭懈廢而是菩薩倍加精進深行慈悲意若欲入初禪第二第三第四禪而

不隨禪生還起欲界法除破憍慢不貴稱讚
心無瞋癡若在居家不染著五欲以耽離心
受如病服藥不以邪命自活不以自活因緣
惱亂於他但爲衆生得安樂故處在居家密
迹金剛常隨侍衛人及非人不能壞亂諸根
第四
具足無所缺少不爲呪術惡藥伏人害物不
好鬭諍不自高身卑下他人不占相吉凶不
樂說衆事所謂帝王臣民國土疆界戰鬪器
仗衣物酒食女人事古昔事大海中事如是
等事悉不樂說不往觀聽歌舞妓樂但樂說

應諸波羅密義樂說應諸波羅密法令得增
益離諸闕訟常願見佛聞他方現在有佛願
欲往生常生中國終不自疑我是阿惟越致
非阿惟越致決定自知是阿惟越致種種魔
事覺而不隨乃至轉身不生聲聞辟支佛心
乃至惡魔現作佛身語言汝應證阿羅漢我
今爲汝說法即於此中成阿羅漢亦不信受
爲護法故不惜身命常行精進若說法時無
有疑難無有闕失如是等事名阿惟越致相
能成就此相者當知是阿惟越致或有未具

足者何者是未入阿惟越致地者隨後諸地修集善根隨善根轉深故得是阿惟越致相

易行品第九

問曰是阿惟越致菩薩初事如先說至阿惟越致地者行諸難行久乃可得見四九或墮聲聞辟支佛地若爾者是大乘患如助道法中說若墮聲聞地 及辟支佛地 是名菩薩死則失一切利 若墮於地獄 不生如是畏若墮三乘地 則爲大怖畏 墮於地獄中

畢竟得至佛 若墮三乘地 毕竟遮佛道佛自於經中 解說如是事 如人貪壽者斬首則大畏 菩薩亦如是 若於聲聞地及辟支佛地 應生大怖畏

是故若諸佛所說有易行道疾得至阿惟越致地方便者願爲說之答曰如汝所說是憍弱怯劣無有大心非是丈夫志幹之言也何以故若人發願欲求阿耨多羅三藐三菩提未得阿惟越致於其中間應不惜身命晝夜精進如救頭然如助道中說

菩薩未得至 阿惟越致地 應常勤精進
猶如救頭然 荷負於重擔 為求菩提故
常應勤精進 不生懈怠心 若求聲聞乘
辟支佛乘者 但為成己利 常應勤精進
何況於菩薩 自度亦度彼 於此二乘人
億倍應精進

行大乘者佛如是說發願求佛道重於舉三千大千世界汝言阿惟越致地是法甚難久乃可得若有易行道疾得至阿惟越致地者是乃怯弱下劣之言非是大人志幹之說汝

若必欲聞此方便今當說之佛法有無量門如世間道有難有易陸道步行則苦水道乘船則樂善薩道亦如是或有勤行精進或有以信方便易行疾至阿惟越致者如偈說
東方善德佛 南栴檀德佛 西無量明佛
北方相德佛 東南無憂德 西南寶施佛
西北華德佛 東北三乘行 下方明德佛
上方廣衆德 如是諸世尊 今現在十方
若人疾欲至 不退轉地者 應以恭敬心
執持稱名號

若菩薩欲於此身得至阿惟越致地成阿耨多羅三藐三菩提者應當念是十方諸佛稱其名號如寶月童子所問經阿惟越致品中說佛告寶月東方去此過無量無邊不可思議恒河沙等佛土有世界名無憂其他平坦七寶合成紫磨金縷交絡道界寶樹羅列以爲莊嚴無有地獄畜生餓鬼阿脩羅道及諸難處清淨無穢無有沙礫瓦石山陵墳阜深坑幽壑天常雨華以布其地時世有佛號曰善德如來應正徧知明行足善逝世間解無

上士調御丈夫天人師佛世尊大菩薩衆恭敬圍遶身相光色如然大金山如大珍寶聚爲諸大衆演說正法初中後善有辭有義所說不雜具足清淨如實不失何謂不失不失地水火風不失欲界色界無色界不失色受想行識寶月是佛成道已來過六十億劫又其佛國晝夜無異但以此間閻浮提日月歲數說彼劫壽其佛光明常照世界於一說法令無量無邊千萬億阿僧祇衆生住無生法忍倍此人數得住初忍第二第三忍寶月其

佛本願力故若有他方衆生於先佛所種諸善根是佛但以光明觸身即得無生法忍寶月若善男子善女人聞是佛名能信受者即不退阿耨多羅三藐三菩提餘九佛事皆亦如是今當解說諸佛名號及國土名號善德者其德淳善但有安樂非如諸天龍神福德或惱衆生栴檀德者南方去此無量無邊恒河沙等佛土有世界名歡喜佛號栴檀德今現在說法譬如栴檀香而清涼彼佛名稱遠聞如香流布滅除衆生三毒火熱令得清涼

無量明佛者西方去此無量無邊恒河沙等佛土有世界名善解佛號無量明今現在說法其佛身光及智慧明照無量無邊相德佛者北方去此無量無邊恒河沙等佛土有世界名不可動佛名相德今現在說法其佛福德高顯猶如幢相無憂德者東南方去此無量無邊恒河沙等佛土有世界名月明佛號無憂德今現在說法其佛神德令諸天人無有憂愁寶施佛者西南方去此無量無邊恒河沙等佛土有世界名衆相佛號寶施今現

在說法其佛以諸無漏根力覺道等寶常施衆生華德佛者西北方去此無量無邊恒河沙等佛土有世界名衆音佛號華德今現在說法其佛色身猶如妙華其德無量三乘行佛者東北方去此無量無邊恒河沙等佛土有世界名安隱佛號三乘行今現在說法其佛常說聲聞行辟支佛行諸菩薩行有人言說上中下精進故號為三乘行明德佛者下方去此無量無邊恒河沙等佛土有世界名廣大佛號明德今現在說法明名身明智慧

次四
明寶樹光明是三種明常照世間廣衆德者上方去此無量無邊恒河沙等佛土有世界名衆月佛號廣衆德今現在說法其佛名字福德廣大故號廣衆德是十方佛善德為初廣衆德為後若人一心稱其名號即得不退於阿耨多羅三藐三菩提如此偈說若有人得聞說是諸佛名即得無量德如為寶月說我禮是諸佛今現在十方其有稱名者即得不退轉東方無憂界其佛號善德色相如金山名聞無邊際

若人聞名者 卽得不退轉 我今合掌禮
願悉除憂惱 南方歡喜界 佛號栴檀德
面淨如滿月 光明無有量 能滅諸衆生
三毒之熱惱 聞名得不退 是故稽首禮
西方善世界 佛號無量明 身光智慧明
所照無邊際 其有聞名者 即得不退轉
我今稽首禮 願盡生死際 北方無動界
佛號爲相德 身具衆相好 而以自莊嚴
摧破魔怨衆 善化諸天人 聞名得不退
是故稽首禮 東南月明界 有佛號無憂

光明踰日月 遇者滅憂惱 常爲衆說法
除諸内外苦 十方佛稱讚 是故稽首禮
西南衆相界 佛號爲寶施 常以諸法寶
廣施於一切 諸天頭面禮 寶冠在足下
我今以五體 归命寶施尊 西北衆音界
佛號爲華德 世界衆寶樹 演出妙法音
常以七覺華 莊嚴於衆生 白毫相如月
我今頭面禮 東北安隱界 諸寶所合成
佛號三乘行 無量相嚴身 智慧光無量
能破無明闇 衆生無憂惱 是故稽首禮

上方衆界
菩薩無有量
諸魔所怖畏
佛號爲明德
常以智慧日
開諸善根華
寶土甚廣大

衆寶所莊嚴
諸聖中師子
是故稽首禮
身相妙超絕
閻浮檀金山

大德聲聞衆
號曰廣衆德
下方廣世界
大菩薩

我遙稽首禮
過去無數劫
是諸現在佛
皆從彼發願
光明照無極
具足成十力

有佛號海德
壽命無有量
佛世自在王
國土甚清淨
聞名定作佛
是故稽首禮

今現在十方
人天中最尊

稱名一心念
亦得不退轉

更有阿彌陀規等諸佛亦應恭敬禮拜稱其名
號今當具說無量壽佛世自在王佛師子意
佛法意佛梵相佛世相佛妙佛慈悲佛世
王佛人王佛月德佛寶德佛相德佛大相佛
殊蓋佛師子曼佛破無明佛智華佛多摩羅

問曰但聞是十佛名號孰持在心便得不退
阿耨多羅三藐三菩提爲更有餘佛餘菩薩
名得至阿惟越致耶答曰阿彌陀等佛又諸
大菩薩

跋栴檀香佛持大功德佛兩七寶佛超勇佛
離瞋恨佛大莊嚴佛無相佛寶藏佛德頂佛
多伽羅香佛栴檀香佛蓮華香佛莊嚴道路
佛龍蓋佛雨華佛散華佛華光明佛日音聲
佛蔽日月佛瑞瑤藏佛梵音佛淨明佛金藏
佛須彌頂佛山王佛音聲自在佛淨眼佛月
明佛如須彌山佛日月佛得衆佛華主佛梵
音說佛世主佛師子行佛妙法意師子吼佛
珠寶蓋珊瑚色佛破癡愛闇佛水月佛衆華
佛開智慧佛持雜寶佛菩提佛華超出佛真

瑠璃明佛蔽日明佛持大功德佛得正慧佛
勇健佛離詭曲佛除惡根裁佛大香佛道歎
佛水光佛海雲慧遊佛德頂華佛華莊嚴佛
日音聲佛月勝佛瑠璃佛梵聲佛光明佛金
藏佛山頂佛山王佛音王佛龍勝佛無染佛
淨面佛月面佛如須彌佛栴檀香佛威勢佛
然燈佛難勝佛寶德佛喜音佛光明佛龍勝
佛離垢明佛師子佛王王佛力勝佛華園佛
無畏明佛香頂佛普賢佛普華佛寶相佛是
諸佛世尊現在十方清淨世界皆稱名憶念

阿彌陀佛本願如是若人念我稱名自歸即入必定得阿耨多羅三藐三菩提是故常應憶念以偈稱讚

無量光明慧 身如真金山 我今身口意
合掌稽首禮 金色妙光明 普流諸世界
隨物示其色 是故稽首禮 若人命終時
得生彼國者 即具無量德 是故我歸命
生彼國土者 無我無我所 不生彼此心
是故稽首禮 超出三界獄 目如蓮華葉
人能念是佛 無量力功德 即時入必定
是故我常念 彼國人命終 設應受諸苦
不墮惡地獄 是故歸命禮 若人生彼國

終不墮三趣 及與阿脩羅 我今歸命禮
人天身相同 猶如金山頂 諸勝所歸處
是故頭面禮 其有生彼國 具天眼耳通
十方普無礙 稽首聖中尊 其國諸衆生
神變及心通 亦具宿命智 是故歸命禮
生彼國土者 無我無我所 不生彼此心
是故稽首禮 超出三界獄 目如蓮華葉
聲聞衆無量 是故稽首禮 彼國諸衆生
其性皆柔和 自然行十善 稽首衆聖主
從善生淨明 無量無邊數 二足中第一

是故我歸命 若人願作佛 心念阿彌陀
應時爲現身 是故我歸命 彼佛本願力
十方諸菩薩 來供養聽法 是故我稽首
彼土諸菩薩 具足諸相好 以自莊嚴身
我今歸命禮 彼諸大菩薩 日日於三時
供養十方佛 是故稽首禮 若人種善根
疑則華不開 信心清淨者 華開則見佛
十方現在佛 以種種因緣 敦彼佛功德
我今歸命禮 其土具嚴飾 殊彼諸天宮
功德甚深厚 是故禮佛足 佛足千輻輪

無鞅蓮華色 見者皆歡喜 頭面禮佛足
眉間白毫光 猶如清淨月 增益面光色
頭面禮佛足 本求佛道時 行諸奇妙事
如諸經所說 破除諸罪根 彼佛所言說
破除諸罪根 頭面稽首禮 美言多所益
以此美言說 我今稽首禮 我今稽首禮
是故稽首禮 救諸著樂病 已度今猶度
七寶冠摩尼 人天中最尊 諸天頭面禮
及諸人天衆 是故我歸命 一切賢聖衆
咸皆共歸命 是故我亦禮 自度亦度彼
乘彼八道船 能度難度海

我禮自在者 諸佛無量劫 讚揚其功德
猶尚不能盡 歸命清淨人 我今亦如是
稱讚無量德 以是福因緣 願佛常念我
我於今先世 福德若大小 願我於佛所
心常得清淨 以此福因緣 所獲上妙德
願諸衆生類 皆亦悉當得

龍田
微妙諸功德 正觀於世間 其心得解脫
我今以五體 歸命無上尊 尸棄佛世尊
在於邠陀利 道場樹下坐 成就於菩提
身色無有比 如然紫金山 我今自歸命
三界無上尊 毘首婆世尊 坐娑羅樹下
自然得通達 一切妙智慧 於諸人天中
第一無有上 是故我歸命 一切最勝尊
迦求村大佛 得阿耨多羅 三藐三菩提
尸利沙樹下 成就大智慧 永脫於生死
及未來世彌勒佛皆應憶念禮拜以偈稱讚
毗婆尸世尊 無憂道樹下 成就一切智
我今歸命禮 第一無比尊 迦那舍牟尼

大聖無上尊

優曇鉢樹下

成就得佛道

通達一切法

無量無有邊

是故我歸命

第一無上尊

迦葉佛世尊

眼如雙蓮華

尼拘樓陀樹

於下成佛道

三界無所畏

行步如象王

我今自歸命

稽首無極尊

釋迦牟尼佛

阿輸陀樹下

降伏魔怨敵

成就無上道

面貌如滿月

無勝世界中

有佛號德勝

我今稽首禮

及法寶僧寶

隨意喜世界

有佛號普明

我今稽首禮

勇猛第一尊

普賢世界中

稱伽樹下坐

自然得佛道

善淨集世界

功德甚堅牢

莫能有勝者

是故我自歸

無比妙法王

復有德勝佛普明佛勝敵佛王相佛相王佛

無量功德明自在王佛藥王無礙佛寶遊行

佛寶華佛安住佛山王佛亦應憶念恭敬禮

拜以偈稱讚

見四

無勝世界中

有佛號德勝

我今稽首禮

及法寶僧寶

隨意喜世界

有佛號普明

我今稽首禮

勇猛第一尊

普賢世界中

稱伽樹下坐

自然得佛道

善淨集世界

功德甚堅牢

莫能有勝者

是故我自歸

及法寶僧寶 爰垢集世界 無量功德明
自在於十方 是故稽首禮 不誑世界中
無礙藥王佛 我今頭面禮 及法寶僧寶
金集世界中 佛號寶遊行 我今頭面禮
及法寶僧寶 美音界寶華 安立山王佛
我今頭面禮 及法寶僧寶 今是諸如來
住東方界 我以恭敬心 稱揚歸命禮
唯願諸如來 深加以慈愍 現身在我前
皆令自得見

復次過去未來現在諸佛盡應總念恭敬禮

拜以偈稱讚 過去世諸佛 降伏衆魔怨 以大智慧力
廣利於衆生 彼時諸衆生 盡心皆供養
恭敬而稱揚 是故頭面禮 現在十方界
不可計諸佛 其數過恒沙 無量無有邊
慈愍諸衆生 常轉妙法輪 是故我恭敬
歸命稽首禮 未來世諸佛 身色如金山
光明無有量 衆相莊嚴 出世度衆生
當入於涅槃 如是諸世尊 我今頭面禮
復應憶念諸大菩薩善意菩薩善眼菩薩聞

月菩薩尸毗王菩薩一切勝菩薩知大地菩薩大藥菩薩鳩舍菩薩阿難念彌善薩頂生王菩薩喜見菩薩彌多羅菩薩和和檀菩薩長壽王菩薩羣提菩薩韋藍菩薩駁菩薩月蓋菩薩明首菩薩法首菩薩法利菩薩彌勒菩薩復有金剛藏菩薩金剛首菩薩無垢藏菩薩無垢稱菩薩除疑菩薩無垢德菩薩網明菩薩無量明菩薩大明菩薩無盡意菩薩意王菩薩無邊意菩薩日音菩薩月音菩薩美音菩薩美音聲菩薩大音聲菩薩堅精進

菩薩常堅菩薩堅發菩薩堅莊菩薩常悲菩薩常不輕菩薩法上菩薩法意菩薩法喜菩薩法首菩薩法積菩薩發精進菩薩智慧菩薩淨威德菩薩那羅延菩薩善思惟菩薩法忘惟菩薩跋陀婆羅菩薩法益菩薩高德菩薩師子遊行菩薩喜根菩薩上寶月菩薩不虛德菩薩龍德菩薩文殊師利菩薩妙音菩薩雲音菩薩勝意菩薩照明菩薩勇衆菩薩勝衆菩薩威儀菩薩師子意菩薩上意菩薩益意菩薩增益菩薩寶明菩薩慧頂菩薩樂

說頂菩薩有德菩薩觀世自在王菩薩陀羅尼自在王菩薩大自在王菩薩無憂德菩薩不虛見菩薩離惡道菩薩一切勇健菩薩破闇善菩薩功德寶菩薩華威德菩薩金瓔珞明德菩薩離諸陰蓋菩薩心無礙菩薩一切行淨菩薩等見菩薩不等見菩薩三昧遊戲菩薩法自在菩薩法相菩薩明莊嚴菩薩大莊嚴菩薩寶頂菩薩寶印手菩薩常舉手菩薩常下手菩薩常慘菩薩常喜菩薩喜王菩薩得大勢菩薩水王菩薩山王菩薩帝網菩薩寶施菩薩破魔菩薩莊嚴國土菩薩金髻菩薩珠髻菩薩如是等諸大菩薩皆應憶念得辯才音聲菩薩虛空雷音菩薩持寶炬善

菩薩勇施菩薩帝網菩薩馬光菩薩空無礙菩薩寶勝菩薩天王菩薩破魔菩薩電德菩薩自在菩薩頂相菩薩出過菩薩師子吼菩薩雲蔭菩薩能勝菩薩山相幢王菩薩香象菩薩大香象菩薩白香象菩薩常精進菩薩不休息菩薩妙生菩薩華莊嚴菩薩觀世音菩薩得大勢菩薩水王菩薩山王菩薩帝網菩薩寶施菩薩破魔菩薩莊嚴國土菩薩金髻菩薩珠髻菩薩如是等諸大菩薩皆應憶念恭敬禮拜求阿惟越致也

十住毗婆沙論卷第四

音釋

邠
卑
民
眡
失
舟

見四

十一